

II - ARABAKO LURRALDE HISTORIKOAREN TOKI ADMINISTRAZIOA

ARTZINIEGAKO UDALA

Behin betiko onestea udal jabari publikoaren erabilera pribatiboagatiko edo aprobetxamendu bereziagatiko tasak arautzen dituen ordenantzaren eranskinaren aldaketa

Udal honek, 2022ko otsailaren 10ean egindako ohiko bilkuran, erabaki zuen udal jabari publikoaren erabilera pribatuaren edo aprobetxamendu bereziaren tasak arautzen dituen ordenantzaren c) epigrafeko (udal bide publikoetako lurzoruaren, lurgainaren edo lurpearen erabilera pribatiboa edo aprobetxamendu berezia) 1. apartatua aldatzea.

Ez da inolako erreklamaziorik aurkeztu 2022ko martxoaren 16an 32. zenbakiko ALHAOn argitaratutako iragarkiaren bidez jendaurrean jarri ostean; hortaz, behin betiko onetsita geratzen da, honako testu honekin:

UDAL JABARI PUBLIKOAREN ERABILERA PRIBATIBOAGATIKO EDO APROBETXAMENDU BEREZIAGATIKO TASAK ARAUTZEN DITUEN ORDENANTZA

I. XEDAPEN OROKORRAK

1. artikulua

Udalak tasak ezarri eta eskatuko ditu udal jabari publikoaren erabilera pribatiboagatik eta aprobetxamendu bereziagatik, ordenantza honetan ezarritako araei jarraituz eta Lurralde Historikoko Toki Ogasunak arautzen dituen Foru Arauak ezarritakoarekin bat etorritik. Ezarri beharreko tarifak jasotzen dituen eranskina ere ordenantzaren osagaia da.

2. artikulua

Ordenantza hau udalerrri osoan aplikatuko da.

II. ZERGAPEKO EGITATEA

3. artikulua

Udal jabari publikoaren erabilera pribatiboa edo aprobetxamendu berezia da zerga egitate.

III. SUBJEKTU PASIBOA

4. artikulua

1. Subjektu pasiboak eta, beraz, zergadunak dira Arabako Lurralde Historikoko Zergen Foru Arau Orokorreko 35. artikuluan 3. apartatuan aipatzen diren erakundeak eta pertsona fisiko eta juridikoak, baldin eta era berezian gozatu, erabili edo aprobetxatzen badute tokiko jabari publikoa beren onerako.

2. Ibilgailuak edo gurdiak espaloietan zehar sartzeko erabilera pribatiboa edo aprobetxamendu berezia dela eta ordaindu beharreko tasa eta halako sarbideak eraiki, mantendu, aldatu edo kentzeagatik ordaindu beharreko tasa direla eta, zergadunaren ordezkioak izango dira ibilgailuak sartzeko diren finken eta lokalen jabeak; ordezeko horiek onuradunei ordainarazi ahal izango dizkiete kuotak, bidezko kasuetan.

3. Administrazio publikoek, erkidego autonomoek eta toki erakundeek ez dute tasarik ordaindu beharko jabari publikoaren erabilera pribatiboagatik edo aprobetxamendu bereziarengatik, baldin zuzenean ustiatzen dituzten komunikabide zerbitzu publikoei atxikitako aprobetxamenduak eta herritarren segurtasunaren edo defentsa nazionalaren zuzeneko interesen aprobetxamenduak badira.

5. artikulua

Lizentzien titularrek ordaindu beharko dituzte tasak edo, bestela, aprobetxamenduaren onura lortzen dutenek.

IV. SALBUESPENAK, MURRIZKETAK ETA HOBARIAK

Artículo 6

Salbuespenak eta bestelako zerga onurak aplikatzekoak diren xedapen orokorren arabera emango dira.

V. ZERGA OINARRIA

7. artikulua

Jabari publikoaren erabilera pribatiboa edo aprobetxamendu berezia gertatzen den unitate bakoitza izango da zerga oinarria, eranskinean adierazitakoaren arabera.

VI. KUOTA

8. artikulua

1. Zerga kuota izango da, eranskinean ezartzen denaren arabera, zerga oinarriari tarifa bat aplikatuz ateratzen dena, ezarritako kopuru finko bat, edo bi prozedura horiek batera aplikatuz ateratzen dena.

2. Erabilera pribatiboa edo aprobetxamendu berezia dela eta udal jabari publikoa apurtu edo hondatzen bada, dagokion tasaz gainera, egin beharreko berreraikitze edo konponketa gastuen kostua osorik itzuli beharko du onuradunak, baita hari dagokion zenbatekoa aldeztatik aurretik gordailutu ere.

Kalteak konponezinak badira, udalak kalte ordaina jasoko du: suntsitutako ondasunen edo hondatutako ondasunei egindako kalteen zenbatekoa.

Udalak ezin izango ditu barkatu apartatu honetan aipatzen diren kalte ordainak eta itzuli beharreko kopuruak, ez osorik, ez zati bat.

VII. SORTZAPENA ETA ZERGALDIA

9. artikulua

1. Zerga gaiaren izaeraren arabera, tokiko jabari publikoaren erabilera pribatiboa edo aprobetxamendu berezia dela kausa ordaindu beharreko tasa une hauetan sortuko da: edo erabilera pribatiboa edo aprobetxamendu berezia hasten denean, eta kasu horretan horri dagokion zenbatekoaren zati bat edo guztirakoa aldeztatik aurretik gordailutzeko eska daiteke; edo jarduera edo espedientea abiarazten duen eskabidea aurkezten denean, eta orduan jarduera ez da burutuko edo espedientea ez da izapidetuko dagokiona ordaindu arte.

2. Tasaren izaera materiala dela eta tasa aldian-aldian sortu behar bada, urte bakoitzaren urtarilaren 1ean sortuko da eta zergaldiak urte naturala hartuko du, salbu erabilera pribatiboa edo aprobetxamendu berezia hasi edo amaitzen den kasuetan, zeren orduan zergaldia egokitu egingo baita halaxe, eta kuota ere heinean, eranskinean ezarritakoari jarraituz.

3. Subjektu pasiboari egotzi ezin zaizkion kausen ondorioz jabari publikoaren erabilerako edo aprobetxamendurako eskubidea erabili eta garatzen ez bada, subjektu pasiboak dagokion zenbatekoa itzultzeko eskatu ahal izango du.

VIII. LIKIDAZIOA ETA ORDAINKETA

10. artikulua

Kontzeptu bakoitzarengatik egin beharreko likidazioa udal administrazioak egingo du, eta likidatutako kuota dirutan ordaindu beharko da, ordainarazpen bakoitzerako eranskinean dauden arauen arabera.

IX. TASEN KUDEAKETA

11. artikulua

Arabako Lurralde Historikoko Zergei buruzko Foru Arau Orokorrek xedatutakoa aplikatuko da ordenantza honek araututako zergen likidazioari, bilketari eta ikuskaritzari dagokion guztian eta egoera bakoitzaren gaineko zigorrak zehazteari dagokion guztian.

X. AZKEN XEDAPENA

Ordenantza hau eta haren eranskina ALHAOn argitaratzen diren egunean jarriko dira indarrean, eta indarrean jarraituko dute aldatzea edo indargabetzea erabaki arte.

ERANSKINA

A) EPIGRAFEA: IBILGAILUAK ESPALOIETATIK FINKETAN SARTZEA
ETA BIDE PUBLIKOAN APARKALEKUA ERRESERBATZEA

1. Ibilgailuak espaloietatik sartzea:

KONTZEPTUA	ZENBATEKOA EUROTAN
Ibilgailua igarotzeagatik	24,50 €/urte

Lokalean ibilgailu bat baino gehiago sartzen bada, urteko zenbatekoa 3,00 euro handituko da ibilgailu bakoitzeko.

2. Aparkalekua erreserbatzea:

a. Taxi geralekuak.

TAXI GERALEKUAN APARKALEKUAK ERRESERBATZEA	ZENBATEKOA EUROTAN
Ibilgailu bakoitzeko	55,00 €/urte

b. Bidaiarien lineak.

BIDAIARIEN LINEETAN APARKALEKUAK ERRESERBATZEA	ZENBATEKOA EUROTAN
Metro lineal bakoitzeko	20,00 €/urte

c. Aparkalekuak erreserbatzea, egunean 4 orduz, oro har.

APARKALEKUA EGUNEAN 4 ORDUZ ERRESERBATZEA	ZENBATEKOA EUROTAN
Metro lineal bakoitzeko	17,00 €/urte

Tarifak aplikatzeko arauak

Pasabideak eta aparkaleku erreserbak instalatu, zaindu, berritu eta kentzeko nahiz horiek seinaleztatzeko gastuak eskatzaileek ordaindu beharko dituzte.

Ibilgailuak espaloietatik sartzen direnean, igarobide kopuruaren eta horiek erabiltzen dituzten ibilgailu kopuruaren arabera izango da tasa; aparkalekuaren erreserbaren kasuan, erreserbaren luzeraren arabera, taxilarien kasuan izan ezik, ibilgailu bakoitzeko prezio publikoa ordainduko baitute.

Lokal batek bi igarobide edo gehiago baditu, lehenengoak dagokion tarifaren arabera ordainduko du zerga, eta gainerakoek dagokion tarifaren ehuneko 50.

B) EPIGRAFEA: HERRI AZOKETAKO ETA JAIETAKO POSTUAK

1. Zabuak, gailu hegalariai, kalesitak, zaldiko jokoak, talka autoak, zirkuak, tiro etxolak, txurro dendak eta abar jartzeko lurak okupatzeko lizentziak. Metro karratu edo zatikiko:

METRO KARRATU EDO ZATI-KIKO	ZENBATEKOA EUROTAN
100 metro koadro baino gehiago	300,50 € hileko edo zatikiko
50 m ² baino gehiago eta 100 m ² baino gutxiago	211,00 € hileko edo zatikiko
50 m ² baino gutxiago	91,00 € hileko edo zatikiko

2. Argazkilariak eta beste ibiltari batzuk:

METRO KARRATU EDO ZATI-KIKO	ZENBATEKOA EUROTAN
Metro karratu edo zatikiko	4,00 € m ² /eguneko

Tarifak aplikatzeko arauak

Azoka esparruetako lursailak esleitzeko enkante sistema erabiltzen bada, enkantea udalak kasu bakoitzean erabakitzen dituen oinarrirei eta baldintzei jarraituz egingo da.

C) EPIGRAFEA: UDALERRIKO BIDE PUBLIKOETAKO LURRAZALA, LURPEA EDO HEGALA MODU PRIBATIBOAN ERABILTZEA EDO MODU BEREZIAN APROBETXATZEA

1. a) Mahaiak, mahai hankabakarrak, aulkiak, zoladurak, loreontziak, eguzkitakoak eta antzekoak. Mahai batek eta lau aulkik osaturiko multzo bakoitzeko: 15 euro urtean.

Mahai txiki batek eta aulki garai batek osaturiko multzo bakoitzeko: 10 euro urtean.

Eguzkitako bakoitzeko: 1 euro hilean.

Oinezkoentzako zonetan instalatzeko eskaerei erantzuteko, kontuan hartuko da terraza jar-tzen den kale zatiak espaloietako bat libre izatea pertsonak ibiltzeko, finketarako sarbidea ez oztopatzea eta inguruko jarduerekin bateragarria izatea.

b) Mahai hankabakarren multzoek osaturiko terraza estaliak: Estaltzeko elementu finko edo desmontagarriak, lur-rean bermatutako egituraren gainean baitago, horizontalean mugatzen dituen zonak: 13 euro m²ko, urtean.

2. Obra-hondakinak edo materialak uzteko edukiontzia.

	EUROTAN
Metro karratu edo zatikiko eta 15 egun edo zatikiko	7,00

3. Hornidura zerbitzuen enpresa ustiatzaileek udalaren bide publikoen lurzorua, lurpearen edo lur gaineko espazioaren aprobetxamendu berezia.

Ordaintzeko betebeharrak dutenak hornidura zerbitzuak ustiatzen dituzten enpresak direnean eta hornidura zerbitzu horrek herritar guztiei edo haietako askori eragiten dionean, tasaren zenbatekoa, inongo salbuespenik gabe, izango da enpresa horiek urtean udalerrian eskuratzen dituzten fakturazioko diru sarreraren ehuneko 1,75, bidezko hitzarmenean xedatutakoaren arabera.

Tarifa aplikatzeko arauak

Aurrekoetan jasotzen ez diren kasuetan, udalak ezarriko du prezioaren zenbatekoa, kontuan hartuz zein ezaugarri eta berezitasun duten, eta inola ere ezingo da izan epigrafe honen 1. zenbakian ezarritako tarifak aplikatuz legokiokeena baino txikiagoa.

Artziniega, 2022ko maiatzaren 4a

Alkatea

JOSEBA VIVANCO RETES